



14272

14272

III Mag. St. Del

P

aham

Sodowski Stanislaus Simulachrum meritorium

D. Abrahami Golinowski

PANEG. et VITAE

Polon. Fol.

Nr. 314.

Biblioteka Jagiellońska



stdr0001656

SIMVLACHRVM
MERITORVM,

Illustris ac Magnifici Domini,

D. ABRAHAMI

A GOLVCHOW

GOLVCHOVSKI

Steżycensis, Visliciensis &c. &c.

CAPITANEI,

Viri longè dignissimi & desideratissimi
lugubri penicillo adumbratum,


In Funere luci publicæ ad inspicien-
dum, & feræ posteritati con-
templandum,

Per

M. STANISLAVM IODLOVSKI, *Artium & Philosophiæ in*
Academia Cracoviensi Professore

EXPOSITVM.

Anno restauratæ humanæ salutis M. DC. XL. VII.
iv Nonas Decembris.



CRACOVIAE,
Apud Lucam Kupisz, S. R. M. Typogr.

Supplem.
ad Parent.
and

des.



In antiquæ & inclytæ do-
mus insignia ZEBRZY-
DOVIORVM.

In Gentilitium decus
ZVKOVIORVM.



Dum belli signū Mars præsentaret Amori,
Quo se Relligio protegat atq; fides;
Tum ZEBRZYDOVIVS contraria signa
repandit,
His ait, his Pietas vincere suevit. A bi.

Quàm benè conueniunt & in vna sede mo-
rantur,
Crux soleam iungens, armisonūq; pedē?
Credite ZVKOVII vestræ per symbola gē-
Fructificare solū, ritè fauere polum. (tis



BIBLIOTH. DAVI.



SECELLON. SAE

ILLVSTRIBVS & MAGNIFICIS
DOMINIS

D. MICHAELI

A ZEBRZYDOWICE

ZEBRZYDOWSKI,

Ensisero Regni, Lanckoronensi, Sniatynensi, &c.

CAPITANE O;

NEC NON

D. ALBERTO
MAXIMILIANO

De Magna Zukow

ZVKOWSKI,

SVBIVDICI Sendomiriensi, Vicecapitano nouæ Ci-
uitatis Corcynen: &c. &c.

DD. EXECVTORIBVS

& meis Patronis amplissimis.




*ESI pullata hac ingenij mei opera, summoperè huic ferali
pompe adesse cupijt, Illustres & Magnifici Domini, tamen
priusquam magnorum præsidijs Heroum fulciretur, &
benigno fauoris radio collustraretur, omninò renuit com-
parere. Verita quippè est maximè, ne vberrius lachryma-
rum stillicidio decolorata, mordaci Zoilorum linguæ se la-
cerandam præberet, & ab vltimo obsequio demortuo Heroi præstando prohi-
beretur. Et verò, non defuere multi, quorum sub patrocinio securè in solem
prodiret Patroni, Vestri nominis gloriâ contenta recreari & muniri expeti-
uit. Cur ita? non dubitat enim Zebrzydouiorum (vt paucis aliqua at-
tingam) famam veluti flammam tam latè diffundi, vt nullum hoc in orbe
Polono, tam sublime dignitatis fastigium, Equestri ordini concessum, repe-
rire liceat, quod inclyta eorum virtus non meruerit, & maiori splendore
non adornarit. Quandoquidem siue Ecclesiasticos honores, intuebimur,
eos Illustrissimorum hac de stirpe Antistitum virtutibus pulcherrimè splen-
dere animaduertemus. Siue per horrida furentis Gradini castra spatia-*

bimur, ibidem huius gentis nobilissima viros bellicæ artis peritiâ insignes
 stupebimus. Siue deniq̃ inter grauissima Procerum regni subsellia com-
 morabimur, Nestores, Catones, Tullios licebit intueri. Quæ omnia cum
 magna sint, maiora tamen censenda, quod in Te vniuersa reperiuntur.
 Quis enim Tuae pietatis in Patriam ac fortitudinis clara argumenta non
 videt? quæ rebellium Cosacorum profligator strenuus & sæculo presenti
 videnda, & seræ posteritati stupenda exhibuisti. Quis maturam in
 consilijs Reipub: dandis prudentiam? quis in obeundis negotijs publicis
 quâ domi, quâ foris dexteritatem? quis in propagando bono communi ze-
 lum non miratur? Et hinc est, quod incredibili amore Te Polonia tota
 prosequitur, cum eius amoris gratiâ, nihil arduum, nihil difficile, nihil
 non aggrediendum arbitraris; ut verè & sine inuidia illud Tibi adscribi
 possit, Vtrâque CIVIS. Sed ut quoque in Nobilissimam ZVKO-
 VIORVM Prosapiam oculos mentis conijciam; an non & hæc ut antiqui-
 tûs meritorum amplitudine claruit? ita nunc quâ belli, quâ pacis tempore
 effulgere non desistit. Nam ut alios plurimos nobilissimos huius stirpis
 surculos præteream, quis Tuae prudentiæ vigorem SVBIVDEX æquis-
 sime, non illius modò quæ priuato bona subuenit, sed & illius quæ in pu-
 blicis promouendis commodis tota occupatur attonitus non obstupescet?
 dum frequenter plurimi ad Te veniunt consilium petitori, dubij, redeunt
 autem salubri Tuo consilio confirmati, in opus expediti. Has Tuas inge-
 nij eximias dotes perspexere Illustrissimi Duces in Zbaraz, qui semper
 & amore singulari Te prosequébantur, & in negotijs grauioribus, Tuis con-
 silijs utebantur. Vidit Tuae prudentiæ specimina Castrum Checinense,
 quod Te suum Iudicem æquissimum venerabatur. Splenduit in Senatu
 Tua prudentia, dum ad comitia regni omnium voto ordinum electus mit-
 tereris. Enituit in Iudicijs Tribunalitjs, dum ibidem boni Iudicis partes
 obires. Sed quid multis opus est, qui Tuae splendorem prudentiæ laudare
 vellet, Soli lucem addere conaretur. Ego certè cum multa alia prætereo,
 & liberalitem silentio inuoluerem, nisi illam apertè Ecclesia Parochialis
 Corcynensis sacello adaucta; Mansionariorum numerus ad officium Dei-
 paræ decantandum ampliatus; Xenodochium abundè satis tribus milli-
 bus florenorum dotatum loqueretur. Quocircà tot ac tantis splendidis-
 simarum virtutum VESTRARVM ornamentis Illustrēs & Magnifici
 Domini, lugubre hoc meritorum simulachrum collustrari desiderat. Hu-
 armatum & ornatum lucem publicam aspicere gestit. Sub Vestris patro-
 cinijs tranquillè quiescere exposcit. VO S tristelicet serenâ fronterecipite,
 & quo Defunctum, hoc virtutum eius adumbratam imaginem affectu
 prosequimini.

Illustrium & Magnificarum Dominat: Vestrarum

Cliens humillimus

M. STANISLAUS IODLOVSKI.



SIMVLACHRVM MERITORVM.



I quando gens inclyta & peruetusta GOLV-
CHOVVS CIORVM, aut grandem suæ Fa-
miliæ cladem sensisse, aut vulnus doloris plenū
accepisse quæta est; nunc certè tam acerba &
funesta sibi euenère, quibus non mortalium
quispiam laxamentum porrigere, sed ille dun-
taxat, cuius nutu sunt inflicta, iustam posset medelam adhi-
bere. Nam quem virtutis gloria, cum summa laude ad Cœ-
lum extulit, eundem indomita Parcarum tyrannis omnium
præter opinionem, è medio viuorum, sustulit, deturbauit.
Obijt diem vltimum Vir ille, cui prospera quæque ac diutur-
na optabamus; obijt inquam eruditissimus ABRAHAMVS,
Genere GOLVCHOWSCIVS, dignitate ac officio CAPI-
TANEVS, qui suæ Familiæ veluti caput, eximiumq; decus
prælucebat. Emortua lingua multiplici peregrini sermonis
nitore condecorata; vultus amænus, authoritate grauis in-
tumuit; oculi motu serij, intuitu humanissimi perenni tenen-
tur sopore. O inauditam mortis sæuitiā! quæ intra dies pau-
cos, viuaces illas facultates, naturalem, animale, & vitalem
confudit. O diem nefastum, & nigro calculo notandum!
qui virum iustum inopinatò ex hac vitæ statione decedere &
ad tribunal summi Dei ire coegit. Eheu spes fallaces mundi,
& irrita fortunæ specimina, homines ludibria esse, quicumq;
dixit, verè dixit: quippè dum maximè spe longioris vitæ ali-
mur, fallimur. O vitæ humanæ iucunditatem, satius dicam
acerbitatem! cum dies ac noctes cogitandum sit, iam iam es-
se moriendum: si quidem vt saxum Tantalò mors semper im-
pendet nobis. En modò vniuersi lugemus, & alto corde lu-
gemus, immaturum viri paucis æquandi occasum; quem si
ob virtutis amorem, nobiscum tota Lechia, immò omnis po-
steritas sequēda lugeret, parum esset. Ad cuius virtutes men-
tis & moris delineandas, ac conspectui nostro patefaciendas,
si cum Zeuxide Apelles, vel si aliquos parens rerum natura fa-

gaciores genuit, exercitatum admouerent manum, nequaquam intentum consequerentur. Si præstantissimi, ut transacti ita moderni sæculi Oratorum, suâ facundâ linguâ eius dotes ingenij enarrare conarentur, illas quidem cogitare, at stylo pro earû dignitate prosequi, nullo modo possent. Quid igitur in tanta doloris vi? Ergone cor nostrum premi dolore, & vix non præfocari sinemus? Ergo lachrymas naturâ duce vbertim eadentes, ac sæuitiem mœroris leuantes impedire non valebimus? Minime gentium viri lectissimi. Sed cum nulla spes ab interitu ad vitam eum quem deploramus vindicandi conceditur, licet omnes in vberes lachrymarum riuos dissolueremur; commodius iudico abstineamus à gemitu, & lachrymas æquissime manâtes temperemus, reprimamus; simulq; demortuo CAPITANEO simulachrum virtutum nunquam interiturû decernamus ac statuamus. Hoc quippè modo vbertatem eius meritorum contemplantes, & veluti ex feraci messe pauculas spicas legentes, cum dolorem Herois ex obitu susceptum leniemus, tum rectè factorum exemplar posteris tardè victuris venerandû, ac imitandû relinquemus. Quo in passu ita me geram, ut & Prosapiæ splendorem GOLVCHOW SCIORVM digito summo tenus attingam, & e diuite virtutum penu viri auidâ morte nobis erepti nonnullas vestrum in obtutum adducam. Quod si Aborigenes à sancta & orthodoxa fide alieni, cui libet ciuium, ut viuentiû ita mortuorum, de illorum Repub: benè meritorum simulachrum publicum decernebant, ac in foro patenti, locoq; editiori vniuersis transeuntibus spectandum liberè proponebât; nos æquiori sanè iure, non ære fustum, sed ex ampla Viri defuncti meritorum serie confectum; non ex aliqua solidiori materia conflatum, sed ex pijs operibus in aliquot schedulis calamo stridenti adumbratum Heroi optimo, & de singulis huius regni Incolis meritissimo, decernere ac statuere obligamur. Illi præsertim viro, cuius tanta virtutum multitudo est, ut difficile sit cognitu, vnde initium ducendum, vel vbi finis statuendus. Siue enim nobilissimæ vetustatem Prosapiæ, cuius hic palmes nuper succisus emarcuit, perpendemus; equidem vel totius Poloniæ iudicio, plurimas antecellit; siue dignitatum & honorum amplitudinem contemplabimur, tanquam summum equestris gloriæ culmen, tam in palæstra pacatæ Minervæ, quam in arena inuictæ Bellonæ conscendisse videtur. Ac primum libeat solummodò nobis, & temporum testem & veritatis lucem paulisper introspicere Historiam:

an non

an non facile comperiemus? Leliuorum gentem, annos ante millenarios insigniter floruisse, & plurima egregie facta, quâ domi, quâ foris, quâ belli, quâ pacis tempore fuscitasse, reliquisse. voluite Cromeri, Orichonij, Longini, aliorumque sexcentorum, fidelia rerum gestarum monumenta, experiemini huius surculos stirpis, cum sub primo Vladislao huius regni Principe, optimos & opimos huic Reipub. fructus peperisse; tum sub alijs superiori longè tempore, Regales imperij fasces tenentibus, magno persæpè suæ Patriæ auxilio, & decori extitisse. Non pigeat vos annalium lectionis, cognoscetis splendida GOLVCHOW SCIOR VM insignia, cum illis Familijs coniuncta esse, quæ virtute, fortitudine, pietate, in Patriam & Deum gloriosum, multas alias vicerunt. Quis enim immanitati hostium sæpius opposuit humanitatem? Leliuij. Quis vitam carissimam, cum bonis fortunæ in discrimen vocauit? Leliuij. Prodeat echo Illustrium quondam Comitum de Tarnovv, TYSKIEVICIORVM, CHLEBOVICIORVM, quorum virtus singulorum, quàm præclare enituerit & quàm latè extenderetur, Historici encomiis deducunt multis; cum totum id quod possidebant, pro incolumitate Patriæ, & Regum suorum dignitate atq; amplitudine vt resisterent, liberalissimè profundeabant. Quæ cum à me de recensitis Familijs proferuntur, meditemini quæso viri amplissimi (libera enim vobis est mens) gentem GOLVCHOW SCIOR VM, cum his vel æquali semper passu incessisse, vel vt de antiquitate, ita honorum amplitudine certamen instituere potuisse, immò etiam & num posse. Quod ne cuipiam dubium esse possit, viros aliquos, de bustis obsoletis euocatos, vt pietate in Deum, & Patriam, animi solertiâ, legum peritiâ, ac cæteris virtutum decoribus decoros, ita ob Reipub: Studium, Regibus & Principibus summopere commendatos, vestros ante oculos produco. Quid? Vultisne vobis de Cleri ordine aliquem statui? Adest Illustrissimus olim Ferdinandus de Gofuchovv Cuiaviensis dignissimus Antistes, cuius quanta fuerit rerum omnium tam diuinarum quàm humanarum cognitio, illi optimè sunt experti, qui sub eisdem annos vixere, & sæpenumero in rebus dubiis salubre consilium ab illo expetièrè, retulèrè. Illi apprimè viderunt, quàm prudenter suam Diæcesim gesserit, eius bona restaurarit, & populis suæ ditioni subiectis, quanto probitatis exemplo præluxerit. Adest Perillustis & venerandus Stanislaus de Gofuchovv, Sendomiriensis olim

Præpositus, qui ob eximias ingenij dotes, non tantum magnis in Repub: viris gratus extitit, Proceribus regni suam prudentiam in agendis, dexteritatem in arduis & difficilibus perficiendis clare exhibuit, sed etiam ipsūmet Serenissimum Poloniæ Principem sui in amorem pellexit, effecitq; vt eum maioris Cancellariæ regni Præfectum constitueret, & grauissima quæq; illius curæ expedienda commendaret. Qui nisi à mortē (cuius iuri omnis ætas etiam iuuenilis obnoxia est) in aliam non fuisset translatus vitam, procul dubio, & sui ingenij euidentiora specimina patefecisset, & suæ Profapiæ maius lumen (licet eo non indiga sit) attulisset. Desideratis Heroas in ciuili magistratu clarissimos? eorum satis prolixam (ni breuitati Studeam) præsto habeo seriem producendam. Si enim viros dignitate Palatinatus inclytos poscimus, en se offert Prædislaus GOLVCHOWSKI, Calificiensis Palatinus, authoritate, morum decentiâ, apud omnes commendatus; cuius virtutes Historiographus multas quidem recensuit, has tamen præcipuè seræ posteritati, suo in codice legendas notauit, cum dixit virum fuisse magnanimum & moderatum. Si Comites optatis? intuemini Petrum de Goluchovv isto honoris gradu insignitum, qui sæpius cum hostium turmis confligit, quàm alij manus cum inimico conseruerunt; plura bella gessit, quàm cæteri legunt. Et cum arte & Marte satis euidentem summorum in Repub: Dynastarum sibi amorem conciliasset, pietate quoque, omnium Largitori Deo placere exoptauit. Hinc capellam cultus diuini indicium perenne, in villa Kiie territorij Visliciensis erexit, & abundè dotauit. Huius vestigia Ioannes in Goluchovv hæres secutus, in sacello arcis Iaroslauia altare fundauit. Prætermitto Andream de Goluchovv Succamerarium Sendomiriensem, prudentiamq; & animi candorem, Viri omni sæculo inæstimabilis, qui cum in Comitibus regni omnium suffragiis ordinum defensor finium, & pecuniæ pro stipendijs militum, ex vniuersali contributione prouenientis distributor est electus, adeò sollicitè hoc munus longo tempore obibat, vt nemini vnquam etiam iniquo vllam conquerendi præberet occasionem. Non adduco Ioannem & Andream alterum Stezycensem, alterum Sendomiriensem Iudices, viros maturo iudicio, & legum peritiâ insignes. Prætereo Raphaelem firmatæ prudentiæ virum, terræ Sendomiriensis Subiudicem, cui etsi sublimes honorum curules conferrentur, omnes tamen spreuit, præhabita

habita dignitate contentus. Taceo eiusdem prænominis Subdapiferum Posnaniensem autoritate dignissimum. Nullam facio mentionem, virorum fortitudine paucis comparandorum, qui in Bellonæ castris, solius amore Patriæ tutandæ ducti, totum vitæ cursum transfecerunt, & plurimi pro eius immunitate retinenda sanguinem inter hostiles acinaces fuderunt. De quorum numero possem adducere Iohannem & Petrum strenuos & insignes bellatores, qui ad Smolenscum generosè cum hoste dimicantes occubuerunt. Possem cōmemorare Nicolaum Goluchovvski annis viginti in bello stipendia merentem. Possem Raphaelem scientiâ bellandi toti Reipub: commendatum, & ultra lustrum quartum de hostibus triumphatorem. Possem multos alios referre sua ob merita omni ævo celebrandos. Sed quandoquidem nulla in hostem bellica expeditio fuit, cui aliquot viri hac de stirpe tanquam robora Achillea adesse non reperirentur, ex industria eos intermitto. Paucis dicam GOLVCHOWSCIORM Profapia, tot ac tantos viros est complexa, vt ipsorum numerus & splendor, tam arcto temporis spatio, & angusto codice nequeat definiri. Sed ne longius extra orbitam mei propositi progrediar, & aliorum Epidicticus iudicer, ad peculiaria Viri nuper à nobis (proh dolor) sublatis facta succinctè attingenda me demitto. Etsi magnum & laudabile claris nasci parentibus, & illorum imaginibus antiquis, meritis sanguineo sudore partis, nostras porticus illustraricensem; his tamen Illustris GOLVCHOWSCIVS piè defunctus non cōtentus, eam subito ab initio ætatis induit opinionem, sibi imitationem solummodò continuam, non segnem relictam iactantiam meritorum. Nam vt primùm ex ephebis excessit, atq; ijs artibus, quibus ætas puerilis & cerea ab innata ruditate liberatur, & ad humanitatem informari solet, in palæstris intra fines Patriæ apprimè fuit imbutus, statim externa gentium regna longè dissita eruditissimis viris & liberalissimis studijs affluentia meditari cœpit, vt è præstantissimorum quorumvis ingenijs ac virtute flores legere, & quæ optima essent ex frequenti libamento, instar apum, in dulces mellis fauos aliquando posset immutare. Quò postquam ventum est, non ad languida otia, sed honestissima negotia, non ad vrbium ornamenta spectanda, sed studia sedulò tractanda properavit; adeò vt totum trium lustrorum tempus in exacta cum aliarum vtilissimarum artium, tum maxime earum quæ Reipub: curas gerentibus sunt necessariae,

extra solum Patriæ, contereret indagatione. Contendebat ille, & in hac totus cogitatione versabatur, ut non à limine Musas salutaret, nec primoribus labris illarum Castalios fontes degustaret, sed ut abstrusa quæq; & in profundo difficultatum puteo demersa intumè penetraret, ijsq; bonis ditatus, solidè doctus ad Patriæ Ciues, & ipse bonū acturus Ciuem, valeret commigrare. Tam autem incredibili sciendi desiderio æstuabat, ut non satis omnium liberalium artium disciplinis erudiri arbitraretur, nisi his quoq; integrum Physiologiæ, Ethicæ, tum Iuris prudentiæ studium adiungeret. Nec modò hæc optimè callebat, sed limpidos quoq; supremæ scientiæ (Theologiam intelligo) latices rimando, sublimem retulit fructum. Quod non tantum apud exteros præstitit, verum hic etiam patrios inter Lares sollicitam rei Familiaris curam, & Reipub: rationem administrandæ ingressus, idem studium inflammatum, eandem consuetudinem discendi, quæ jam peritus suam in naturam abierat, deponere nequibat, quin etiam vrgenti Reipub: abreptus necessitudine, Historicorum & Politicorum lectioni vacaret. Non ille otio nihil boni suadenti, matri nugatum & nouercæ virtutum indulgebat, sed aut sapientiæ quæ sanitas est animi, via ad quietem indagandæ iugem operam nauabat, aut de remedio ægrotanti Reipub: adhibendo, eiusq; statu felici retinendo meditabatur. Cato Uticensis tantoperè studijs deditus fuisse perhibetur, ut etiam in Senatu obiecta leuiter togâ lectitaret. Hunc intrepidè dicā, **CAPITANEVS** singulari prudentiâ decorus, si non superauit certè adæquauit, qui semper quoad cōmuni nobiscum aurâ fruebatur, tam sedulus literarum extitit cultor, ut ab illis nullo aut commodo abstraheretur, aut aliquā voluptate auocaretur, aut deniq; nimio somno retardaretur. Nunquam suam naturam docilem, & difficilium capacem pigrescere sinebat, sed eandem omni scientiarū genere expoliebat, vsu frequenti comprobabat. Vndè cum eius fama scientiæ & vis, per diuersa & remota huius Regni territoria diffunderetur, ac in omnium auribus nobilium increbresceret, protinus sublimes eius ingenij dotes, vniuersi suspicere, studium cupere, grauissimarum causarum authorem habere exoptabant. Graue fuit & non sine ingenti suorum iactura bonorum, multoties ad generalia Regni comitia Legatum agere? nihilominus inclytus **CAPITANEVS** sollicitis Equitum precibus victus, & suffragijs omnium electus, egit & commissa felici fine terminauit. Graue & magnum in Commissarium Vniuersæ Reipublicæ

blicæ Polonæ voto eligi, & ad Suecos seditionum procellis
agitatos iucundæ causâ pacis ineundæ mitti? electus pruden-
tissimus CAPITANEVS missus, prosperè optatas attulit in-
ducias. Graue fuit tot Cives Patriæ nimium inter se animis dissi-
dentes conciliare & vnire? conciliauit & vniuit CAPITA-
NEVS. Quæ omnia an putatis eum suis cōmodis ductū fe-
cisse? procul absit viri integerrimi: maioribus quippe illi in
votis esse consueuerat, proprium sentire detrimentum, quàm
vel minimam Reip. emolumentum intermittere propagationē.
Hoc vnicū semper meditabatur, quibus fundamentis & me-
dijs, S. R. Maiestatis amplitudo tuta fieret, dignitas augere-
tur, & libertas Reipub. firmaretur. Et sanè: quis constantis
iudicij grauitate, Polonæque libertatis peritiâ, aut cautior ali-
quando, aut prudentior extitit? Quis emergentia crebrò pe-
riculosa negotiorum momenta, præsentia acrius, imminen-
tia sagacius, dubia euidentius, insidiosa solertiùs expendit?
Quis vota cum in partialibus, tum generalibus regni Comi-
tijs, aut validiora, aut salubriora tulit? O desiderium extin-
cti! O viuam virtutum imaginem, & vnicum viri sapientis
exemplar! Odolorem nullo lachrymarum torrente mitigan-
dum! Pandora Decorum mater, fingitur à Poetis integram
perfectionem, & dotes Numinum reliquorū, suâ naturâ com-
prehendisse. Profectò viri ornatissimi, nihil præter rem di-
cam, si demortuū GOLVCHOWSCIVM huic comparabo,
in quo solers & prouidus animus cum vehusto corpore, mo-
rum decentia, cum excelsa rerum prudentia certabant, & re-
liqua bonamentis ac corporis, tanquam pretiosi lapilli radi-
abant. Iustè Patria tanto mærore conficitur; quippe illo or-
bata viro, cui nec in deliberando consilium, nec in communi
bono promouendo cura defuit vnquam: nam si res anceps
accidit, sapientissimus: si publica promouenda cōmoda, stu-
diosissimus apparebat. Iustè lachrymis perfundimur: quia eo
viro caremus, qui tantam rerum omnium vt diuinarū ita hu-
manarum cognitionem, (prout omnes testes esse possunt, qui
cum eo conuersabantur) summo labore & industriâ sibi cō-
parauit, vt nihil admiraretur, nihil non sciret, sed omnia velut
oracula proferret, & cedro notanda loqueretur. Iustè pullatâ
veste induimur: nam eum Heroem desideramus, qui non
modò linguarum exoticarum, Germanicæ, Gallicæ, Italicæ,
Latinæ peritissimus habebatur, sed etiam mores & leges mul-
tarum Nationum, Reipub. meliùs gubernandæ plurimum
conducentes, ita perspectas habuit, vt eum non ordinari sed

ordinare perpetuò oporteret. Paucis multa complector, illi
extremos persoluimus honores, in quo summa omnia, sum-
mus ipse, homo positus vix non supra homines, quem o-
mnes imitari velint, sed frustra: quippe attingent paucissimi.
Sed hinc jam meta illius encomiorum statuenda? immò ne
initium: Enimuero dum in virtutes moris vel leuiter oculos
conijcio, latissimus campus aperitur dicenti: Nec mirum: ea
si quidem virtutum natura est, cum prudentia connecti, &
velut lineæ apsidis ad centrum, ita virtutum species, ad pru-
dentiam terminari; hinc vbi vnam reperiās ibidem omnes re-
liquas nō ignores. Quid? an nos in proposito rem aliter se ha-
bere arbitrabimur? ne cogitandum quidem: hic enim si do-
minam & reginam omnium virtutum iustitiam inquirō, Ari-
stidem vt asseram est necesse; cū ille toto vitæ suæ decursu,
curq; suum tribuendo, ab hac ne latum quidem vnguem de-
uiare studuerit. Ille vt nec falli, ita nec fallere quenquam, aut
iniuriosè tractare nouerat. Ille iniurias ab alijs sibi illatas æ-
quo ferre animo, laudabile semper ducebat; vnde sæpius in-
ultus siluit, & tunc se victorem, funestam autem inimico de-
disse plagam intellexit. Sciuit optimè virtutis plurimos re-
periri olores; non dubitauit, inuidos rebus opimis marcesce-
re obtrectatores, non tamen vlciscendi medium, sed obliui-
scendi remedium adhibebat. Hi profectò si qui fuere,

non omnes. Virtutem incolumem oderunt.

Sublatam ex oculis quærent inuidi.

Silentio inuoluo illud, quàm diligenter munus boni Iu-
dicis obiuerit, & id solummodò quod leges & æquum suasẽ-
re promulgârît. Nec mirandum: quando quidem non mo-
dò probitate sed etiam legum peritiâ, nec tantum his verum
iustitiæ amore insignis semper extiterit. Nunquam se ad no-
uas leges suo pro arbitrio condendas natum, sed latarum pru-
dentem & sedulum esse interpretem existimauit. Quarum
vim non ex verbis, sed ex mente intelligebat. Non lucris suo
ab instituto poterat abduci: cum sibi à Deo glorioso opes suf-
ficientes concederentur. Non affectu quopiam ab æquitate
auocari: cum vir solidè eruditus, ne minimis affectibus mo-
ueatur. Sed vt diameter ab angulo ad angulum mediam fi-
guram præscindit, & vtrinq; spatium relinquit æquale; pari
ille modo neutram in partem propensior, medio semper æ-
quitatis tramite tutissimus ibat. Alexander Magnus orante
accusatore, alterâ manu aurem obturare consueuerat, qui
dum à proceribus interrogaretur, cur id faceret, respondit,

non

scilicet

dan-

dandum esse audiendi locum defensori, & aurem alteram querimonijs vacuam relinquendam. Ita profectò ita Integerrimus CAPITANEVS, nihil vnquam fanciuit, nisi meritis vtrinque causæ justâ maturi iudicij lance expensis non seuerè sed benignè, non perperam sed attentè omnia trutinando. Sed non vult eius Astræa fusiùs laudari, cùm niuea tota sit, & omnis maculæ expers; triclinium igitur GOLVCHOVSCII largâ liberalitate meliùs quàm ditissimo peristromatum splendore adornatum ingredior. Vbi quid prius dicendû, ambiguus hæreo: siue enim in hospitibus tractandis eius animum specto, humanissimum; siue in pauperum egestate subleuanda, liberalissimum animaduerto. Testes omnes eius alacritatis candidos & fidos amicos appello, qui incolumem singulis fermè diebus conueniebant, & semper promptum, aut veriùs dicam, promptissimum experiebântur. Testes sunt vt sanguinis ita affinitatis vinculo concatenati, quos ille humaniter semper excepit, eorum beneuolentiam in se propensiorè faciendo, innatumq; amorem firmando. Testantur eius liberalitatem ædes sacræ, quibus cum sua vrna decem milliadicauit. Testantur tot Monasteria, quibus crebrò stipem vltro largâ manu conferebat, colligentibus autem largissimè prouidebat. Testantur xenodochia, quæ ipsius opibus sustentabantur. Testes sunt vniuersi, inopes, oppressi, miseri, qui huc velut ad certissimum refugij Asylum, pro auxilio, consilio, solatio confluebant, & nunquam vacuis manibus, aut tristes redibant. Testes deniq; ingenuis artibus instructi, qui eum tanquam insigniter eruditum, literarum literatorumq; amantem, incredibili amore prosequentes, libentissimè cum eo conuersabantur, & plurima munificentiae signa referebant. Sed parua hæc sunt maiora audite; nempe hunc virum quamuis cùm ingenij promptitudine, multifariarum rerum cognitione, plurimos anteiret; tum non paucos bonis fortunæ superaret, tamen nec alto supercilio quenquam intueri, nec tumido sermone alloqui, nec deniq; parui æstimare, vel (vt alijs moris est) contractâ fronte contemnere vnquam solitum fuisse. Non ille infimæ sortis hominibus, benignam aurem denegauit; non vernarum operâ ad iniurias subditorum cognoscendas vsus, sed quoslibet dum libuit seipsum adire, rationem aduentus, aut querimonie (suo non sine tædio) exponere patiebatur. Vidimus sanè vniuersi, GOLVCHOWSCIUM Nobilissimum sua ob merita duarum honoribus satrapiarum condecoratum, sed humiliter non

arroganter, non iniuriòsè sed clementer omnia agentem vidimus. Non ignorabamus sufficienter bonis fortunæ cumulatum, haud tamen prodigè viuere, non fastu vti sed solâ virtute collucere experiebamur. Sciebat fanè magistratum non arrogantia sed prudentia, morumq; venustate regi, collustrari. Taceo eius animum generosum in calumnijs tacitè sustinendis plus quàm Achilleum. Prætereo comitatem affabilitate permistam, cum sit omnibus manifesta. Consultò innumeras alias virtutes præmitto, solam pietatem, cum in dulcem Patriam, tum in salutis humanæ Restauratorem Deum, tacitus nequaquam silebo. Quam nonne insignem toti Reipub. exhibuit? eum in eius præsidium & ornamentum, non modò turmas militares proprio labore coegit, suis de sumptibus aliquòt annorum stipendia prouidit, sed etiam consilio singulari, & prudentia, crebrò eidem subuenit. Hęc nunc si loqui posset, non alijs verbis viri occasum deploraret. O mortem omnium Tyrannorum crudelissimam! Quæ te obsecro Furia agitabant, vt è medio bonorum, Ciuem optimum eriperes? An sæuitiem istam hominum vilioris status raptù, & nullâ literaturâ tinctorum explere nequibas? Num GOLVCHOWSCIVM meæ integritatis anchoram, communis libertatis fulcimentum ignorabas? Hoc sublato restabit mihi in perpetuo mærore versari, & acerbissimos ciere lachrymarum fontes: quidquid enim bonorum, quidquid decoris, quidquid voluptatum, ac diuitiarum habui, eorum omnium magnam omnino vnico prudenti GOLVCHOWSCIO surrepto, extorsisti portionem. Nec alia Remp: suo de Ciue dignissimo credite dicturam. Quantopere autem fidem orthodoxam adamauerit, vel inde manifestò patet, quod Redemptorem humani generis Deum, jugiter mente purâ veneraretur, in eius mandatis Sacrosanctè obseruandis fidelissimum, in gloria diuina & Religione Catholica promouenda acerrimum se præstitit Sectatorem: Vnde siue in publico cõfluxu, siue etiam (quod frequenter contigerat) domesticos inter parietes, à nemine qui ab Ecclesia Romana auulsus esset, permittebat Numen diuinum impijs oculis & falsis dogmatum figmentis lancinari; quin protinus resistebat si quis animo anceps esset, erroreque confutato, tela in auitam Religionem Polonorum iacta, in ipsum aduersarium retorquebat. Tanto verò semper pietatis studio tenebatur, vt non modò singulis tremendum missæ sacrificium diebus attentè & deuotè audiret, sed Presbyterum quoque eruditum, amplo eidem solario assignato,

cum

cum quo commodius de diuinis conferre & differere posset, continuum suæ mensæ conuictorem fecit & aluit. Cum verò nobilissimam hominis partem, occulta quædam ægritudinis premeret vehementia, (eloquar an fileam, quanto pietatis amore exarserit?) Subito animi sui onus in aures & arbitrium Presbyteri, & suæ conscientiae Iudicis deponit, crimina sine quibus nemo est tacitus fatetur, à coelesti medico, à terrenis desertus sanari, & certum animæ remedium exposcit. Post languida membra, debito in horas vigore priuanda ad quietem componit, vltimam voluntatem aperit, oleo sacro suum corpus vngi ad nuptias Regis æterni disponi & amicum iubet. Reputate vobiscum viri clarissimi, quantis tunc Domus tota gemitibus & luctu personabat? quantis lachrymarum imbribus exuberabat? quam denique nihil aliud, nisi dolorem & mœrorem loquebatur. Sed cum iam animus ergastulo humano liberari cupit, Redemptoris in Cruce expansi figuram sibi porrigi mandat, eandemque vehementissimo pectori affectu applicat, ipse suauatur, & totam feruorum generosam coronam, se circumstantem idem facere hortatur. Quid amplius? cum iam superior pars corpus sensim deserit, voce cygnea tremendum Saluatoris nomen triplicat, ac Deiparae semper virginis subsidium & momentum implorat. Tandem spiritum iam iam exeuntem retrahit & sub grauisimo morbi pondere anhelans oculis ad veram orthodoxe credentium Patriam extensis, piam animam exspirat. Et cum iam extremam vitæ molestæ periodum Inclytus CAPITANEVS terminauit, doloris copia supprimor, titubanti singultu impediior, vberimo lachrymarum fonte obruor nec fusior in dicendo esse possum. Credo vos luculenter perspexisse Viri amplissimi, & quàm de illustri stirpe atque innumeris honorum fascibus condecorata, præstantissimus ABRAHAMVS GOLVCHOWSCIVS traxerit originem, & quàm prudenter totum vitæ suæ curriculū ac probè peregerit, eum igitur non obijisse sed abiisse; non mori sed nouam & longè meliorem vitam ingredi; non sublatum, sed ad oras solis iustitiæ radijs perpetuò coruscantes translatum scitote: Quippe nefas est finitrum illi exitum contigisse, qui semper rectè vixerit; nefas à patria suprema aberrasse & bonum perfectissimum non comprehendisse, qui hoc vnicum in orchestra mortalitatis positus suspirabat, ad idque recto virtutum calle contendebat. Ingressus dubio procul interminabilis portam æternitatis,

qui ita vixit vt supersit cum desiit. Meruerat quidem Polonia diutius tanto viro gaudere, nisi ille dignior cælo, non iam hominibus, sed Cœlitibus stipari meruisset. Viuit ille & viuet, cum inter beatos spiritus dulcissimam vitam, tum nomen eius in omnibus Europæ & cæterarum cultissimarum Nationum plagis, ac eruditorum mentibus perpetuò reuirescet. Cuius nunc primum veras laudes nostra Lechia inchoabit, quando viro sagacis, & prudentiæ singularis egebit. Viuit ille feliciter, & omnes alloquitur extreme. Sol imperij Lechici SERENISSIME VLADISLAE IV, cui me fidelem semper & promptissimum in omnibus præstiti, incolumis quàm diutissimè hanc Rempub: Tuo præsidio prosperam tranquillè governa; meæ domus Lunam stelleram collustra, mihi sanguine iunctos benigno semper vultu intueri, virtutem eorum promoue, præmijs ad maiorem suscita & à me vale extremum habe. Nobilissimi regni Proceres valete, & ita Patriæ vestræ consulite, vt nec huius nec æternæ (quod auertant superi) felicitatem amittatis. Vale diu Coniunx dilecta, optatos rerum successus experire, meisq; manibus auxiliare. Valete omnes cognati, vestræ Lunæ maiorem in dies splendorem fieri contendite, vt & infra lunam positi & supra translati plenè luceatis. Et vos meis quondam ditionibus subiecti valete mortales, quos nunquam offendi nisi vestris moribus offensior; DEVS tamen omnia nouit, igitur parcite mortuo, ipsi morituri, quibus Saluator omnium Deus grauiora pepercit. Deniq; vniuersi, qui seu prospera, seu aduersa viuenti cupijstis valete, & mori mementote. Nos vicissim quid ad hæc responsuri? nihil opportuniùs quàm vale orthodoxæ Religionis acerrime cultor. vale tuæ decus Familiæ, pacis communis & libertatis Patrone, literarum amor, eruditorum delictum. Iam valeto vir magne prudentiæ, magnanimitate, mansuetudine, temperantiâ; vno verbo omnibus virtutum thesauris cumulate, cui nos æternum vnanimi voto beatam inter Cælestes vitam comprecamur.



2. x. x. 11. 12.

n
e
n
-
o
a
-
i
o
-
i
s
s.
e
e
s
s
-
-
-
-
s
c
l.
7

